

江

西

詩

徵

江西詩徵卷六十四

南城曾燠賓谷編輯

明

朱謀晉

謀晉字庚侯更字公退寧獻王七世孫家南昌少英敏好讀書結廬蛟溪以畔釣爲樂後寓居金陵兵後不知所終有羔雁淹留蕪城市車諸集

甲寅春日江村卽事

北郭攜家野岸東山猿出檻鶴辭籠朱門華屋身先避白石清泉計未窮子已哀傷空字大妻能偕隱亦如鴻親知若訝林扉遠只隔輕帆十里風

江西詩派
卷之四
一
一曲清江舊草堂野人原自愛滄浪豈因俸薄輕中壘敢謂風高卧上皇雨後看山初掃徑日斜臨水更移牀門前欲種桃千樹看取花枝過短牆

隱囊紗帽燕居時草閣疎簾對曲池松待晴雲梳短髮梅經凍雨折高枝沙禽自濯髡翁沒水獺方喧烏賊知落日郊原看野色綠波春浦怨江蘿

沙明水碧映郊墟地近先人墓下廬祠有露蘋香易薦林喧風木恨難除泣殘烏鳥山原靜卧盡麒麟石蘚疎野奠歲時經伏臘郵中來往有柴車

水市沙墟地更偏卑棲無用買山錢荒厨慣乞漁家火行李時登估客船鏹柱江聲連野郭香鑪雲氣隔湖天游蹤

到處堪經月豈待男婚女嫁年

自喜幽居耳目清閒中歲月與天爭占風網客知魚信較
雨田家驗鵠聲梅潤上絃琴緩柱草香侵局奕開枰沙邊
引步看流水何處昏鐘報曉晴

農家月令重陰晴每看春圖記五行稻圃雨多嫌穀日麥
田風最怯清明占烏舊信江南俗叱犢時聞谷口聲村市
朝來競簫鼓朱幡使者遠催耕

一月愁霖惟伏枕空齋破榻擁青綾春深壠坂難停策晏
起隣家始挂胥草長宜男憂未解鳩聞逐婦恨偏增落花
誰掃門前路乞食遙過五老僧

綠水園亭白版扉輪蹄出郭到應稀江雷乍殷龍兒長社

日初晴燕子飛飯熟東田觀午餚酒香西舍典春衣長堤
何處無芳草莫怨山中客未歸

山靜江深岸擁沙晴絲百尺裏空斜荒村小犬朝隨汲閒
院遊蜂晚報衙病後憎貽廬獄杖雨前人寄幔亭茶竹烟
新瓦南牕下自煮洪厓石乳花

晚晴閒出薜蘿門江漲新添野水渾山映春旗沽酒市沙
埋破舫打魚村棟花開後過風信竹籜飄時帶雨痕漂毋
相逢應見問淮陰城下舊王孫

江邨負郭坂田多田舍風光草樹和孤鳥立殘牛背雨小
魚吹散鴨頭波買山恐被高僧笑擊壤間聽老父歌猶幸
代耕餘薄祿門無晉吏夜催科

雜詩

江邊一馬地遙出北壇門蕭寺沙侵岸陶家火隔村半峯
藏小閣獨樹映高原身外叨卑祿畔桑亦主恩
五畝闢畊罷童丁力更饒谷暄分虎茨溪暖種魚苗梅岸
一村雨芹泥三尺潮往來乘小艇因斷竹西橋

草市舍東陂涼陰散步時談星厭瞽史誦字謔村師舊谷
買山杏新房摘水芝每過橋道石半是塚前碑

南溪種圃處風雨日淒清老樹作人語嘉蓮同佛名蠶絲
籬落長蜩角土垣生蕪穢今難治何勞拊缶聲

郊野秋多熟空林散髮還長悲雉堞下未見馬蹄閒竹露
暫停扇松風且掩關鑠金非赤日衆口滿人間

終日雲林下圖書隱几中天容一身拙世忌兩眉工雀散
稻田雨蟬鳴柳巷風相過無約束白首灌園翁

城郭歸來遠山齋閉晚烟窓蟲浮研水壁鼠敗琴絃舊社
書堪借寒宵燭可燃布裘霜氣入未疊木花綿

短景郊墟暮林間反照黃田功歲已畢紡績夜初長月暗
津橋樹風高野浦檣竹廊書牖下時透一燈光

求試未逢年潛鱗恰在淵窻明西礪雪門枕北谿泉危角
龜毛語鼠肝蟲臂篇綢叅細帙富一榻坐須穿

野曠孤扉靜村寒雨雪多牛閑牧監卧犬吠里胥過落落
朱門夢寥寥白石歌茅簷候晴日竹裏綻農蓑

送贈游紫蓋後入西粵

桂嶺行蹟遠東歸定幾年破頭山下寺斷臂雪中禪乞食
依蠻店焚香上客船匡廬僧院在門閉虎溪泉

春日同無垢兄酬履直諸兄弟見訪

郊垌數椽屋兄弟隱相依誰鼓滄江棹來尋白板扉水香
蘋葉長村冷杏花稀自喜能留客開軒有翠微

冬日同胡寶美宿鉛公禪室

寺外溪水落溪田如掌平門稀車馬跡林隱木魚聲行道
石猶古轉經窓自明寒雲常借榻戶口有柴荆

答叔山隱居

村寒不斷雪累月罷招攜茶舍隣孤寺柴扉間一溪鳧經
垂釣下烏帶落帆啼夕望墟烟外讀書燈半圭

秋夜同醒中六淨雨上人宿大乘菴話舊

狂飈吹夕梵溪寺是西隣始覺朱屏夢多依白社人牖驚
荒砌竹檐積落巢薪坐久語還嘿壁燈寒焰親

李宗衍郊居

郢曲無人和君操正始音閣書閒自較池墨醉能臨態近
嵇中散名多李伯禽庭花春滿檻曾倚雪兒豎

苔

布葉如錢箇箇青不爭要路占閒庭風前印雀移罿步雨
後留鷗作篆形生閣久縈詞客恨入碑多蝕古人銘紅英
墮地交相映小屐蛩然未忍停

爲得善題清華閣

臨湖閣樹曲塘凭坐得鞏公第一村戶外人歸初射鴨
前客散尚呼鷺汀花日度聞歌舫岸柳宵藏伴讀燈多暇
知君向西嘯隔城山翠撲眉稜

冬日尋圖南兄山居

賣畚偶於南郭行也從別墅訪先生田間路直收紅稻林
下衣杏拾綠橙手劈蟹螯延細酌身將雞肋喻浮名卜鄰
欲問東家竹烟雨扶犁得耦耕

寄訊遼府用極兄

天涯何處客愁輕異國飄零見弟兄豈乏豬肝供旅食還
從牛耳訂宗盟柳邊棹倚離亭笛花下杯殘別院箏君入
秦淮予入郢斷行時有暮鴻聲

寄其勤宗兄

落魄齊昌偶曳裾
風光屈指一年餘
君延南郡沙棠檝
我問東湖水竹居
兩地經春無客信
三韓旁午有單書
行吟亦抱靈均恨鼓
枹愁逢楚澤漁

唁皇甫翰周處士

十載鄉間至孝聞
溪中白屋有徵君
雪殘簷溜清如雨
日暮爐烟淡似雲
隣牆借來畔瘦壠
仙禽飛下吊荒墳
寒郊我亦悲風木
此痛何須灼艾分

庚申除多

東田守歲壯心驚
終歲無支祿代畔魚
服避仇非浪跡蛾眉
招妬是浮名溪松閑
戶雲猶冷院竹燒燈
雪未晴自奠

村隱焚舊草且從山婦笑狂生

答醒中六淨見尋不遇之作

昨聞二郎過東籬是我巾車入郭時公府檄多徵雀角山齋几獨閉烏皮葉深風徑秋難掃稻熟霜田午易炊垣戶寂無童子應一竿修竹見題詩

病中呈用升兄

憶昨弟兄居接武門庭蕭寂日科頭晨炊共汲臨溪井晚渡時呼隔岸舟帙亂雨牕搜僻事樽開月榭散閑愁祇今卧病空皮骨獨擁藜牀五月裘

有寄

朱樓十二倚金昌地近西施響屢廊落雁容看吳苑絕堆

雅號作漢宮粧
鬪棋聲出紅蕉樹
按拍塵飛紫杏梁
惆悵牡丹花下別
春衫猶帶雨痕香

客裏歡場未寂寥
芙蓉盡舫白門橋
瑤箏月暗聲難斷絳
燭風多淚易消歌逐鷓鴣
翠柳葉夢依翡翠宿蘭苕
三年魚腹相思字
寄與秦淮雪後潮

金陵雜詠

石作城垣江作池三分霸業遠開基金陵自王東南氣赤
壁中焚百萬師乍見張昭稱賀表終聞孫皓樹降旗山川
寂寞英雄死有客悲歌吊黍離

中原雲擾咽胡笳江左偷安水一涯白版君王居社稷烏
衣子弟擅豪華銅駝已卧千年棘梁燕應歸百姓家獨有

華林舊宮苑夕陽春草尚鳴蛙

古寺門當雉堞橫老僧猶指是臺城寒雲夜傍繚垣宿野
草春從輦路生往事尚留殘碣字流年虛送暮鐘聲可憐
張緒當年柳萬縷烟姿畫不成

南國金湯據石頭千年人說帝王驚聞戰士屯朱雀枉
殺將軍怨白鳩風煖香車盈廣陌月明絃管在高樓傷心
一派秦淮水處處垂楊似莫愁

金陵歸招胡虛白小飲同家用升賦

避仇千里始歸來依舊蓬門溪上開豫讓聲音惟友識謝
連篇詠與兄裁堤烟縷弱吟邊柳浦雪花殘折後梅春甕
酒香魚筍賤邀君停屐掃溪苔

春日諸人見尋郊居

草堂歸卧郭東村客至陶然命綠樽
春水曲池花滿塢夕陽隣寺樹當門
厨烹野雁新烟出壁落枯魚舊帙存
名勝縱譚殊未悉酒闌茶熟與重論

四十賤辰志感

裘馬交游半五陵歸來貧與病相仍
誰憐徑路無媒客不赴公車有道徵
日落楓江垂釣艇歲寒茆屋讀書燈
迴看鼎俎皆朝士獨羨鴻飛此避矰

幾驚元彩早霜侵倏忽流年四十臨
繡虎豈無求試表臯魚膚有養親心
山屏夜閉雲生壑土屋晨炊雪在林
閒到白頭猶未卜風波世路恐浮沈

寄賀文湛持入東閣

焚魚學士最清華五世承恩太史家歸沐不言溫室樹入朝時草內廷麻吳中舊宅卑依市都下新堤淺築沙礪爲故人炊脫粟青門來種邵平瓜

朱謀埠

謀埠寧藩孫多姪子幼卽工詩與湯若士遊後效其父變姓名爲來鯢字子魚出遊三湘吳越間有詩集

不寐

而絕夢無情燈幃恍惚明餘香收病室高枕壓愁城樹動心含影鐘來屋接聲更闌擁衾坐側耳聽鷄鳴

丁巳詩稿 卷之十四
旅居獨夜

吟苦竟忘寐一燈孤影人溪樓連夜雪山縣隔年春水碓
響空澗石牀生薄塵寒更過橋去還向酒家親

白下集沈生予明府席上賦得春草

芳杜奪幽色秦淮客路遙青連邀笛步綠鎖賽紅擣柔雨
生三徑殘烟認六朝夢歸南浦裏幾箇別魂消

病間寄徐無染兵憲

西風黃葉病沉沉尚憶銜杯不廢吟我漸老來如燭影君
憑官去首灰心時嘗藥榦知寒苦月醉藍輿愛夜深別後
同游常入夢蔣家幽徑許誰尋

秋夕袁太守招集衙齋

竹無鄰事有閒情爲問山經幾日成石榻澹雲孤客夢簾
櫺疎雨一官清燈明草閣驚蠶響烟逼茶端阻鶴行向說
國家秋不盡滿簷寒瀑漱松聲

春日郊行

荒剗虛亭古墓平幽閒地上一僧行初疑廢井人烟絕又
見叢林佛火生夾道白楊翁仲影繞籬紅杏子規聲芳魂
黯魄增惆悵日擁沙堆半過城

秋晚熊二仲紓喻二宣仲見過窳園小坐

入林消受片池風並坐秋陰話未窮黃墜病梨霜露下紅
稀然柿夕陽中會心客近窺魚鳥顧影人間數雁鳴二仲
偶來棋一局爐香鐺茗不曾空

雨卧

不睡愛聽雨雨聲聽不明可能新夢去怕有舊愁生
就暫峯寺宿同喻宣仲王曰常郭伏生作
暫嶺幽僧借竹房薰籠茗椀坐繩牀夜長何必求歸夢凍
雨疎燈話故鄉

林時益

時益字確齋明宗室初名議霧居南昌工書通禪
理後改姓名結廬寧都之冠石峯備田而畊有冠
石集

冠石峯

城西之石峯嶙峋冠石之冠古製存初以力耕久爲客時

因避亂遷成村窗間無數桂花葉屋裏一株桃樹根山口
竹林響清晝遠林歸盡鋤茶人

李騰蛟

騰蛟字力負號咸齋寧都人崇正中諸生與陳大
士羅文止善後入翠微別居三巘峯以經學教授
終其身不出著有周易剩言

金精山

項羽弑義帝衡山固首戎神仙自忠孝豈爲悅己容虞歌
盡垓下戚舞歸廁中此女獨不嫁魂魄爲雌雄至今祀金
精直與黃石同

李時應

時應字翼龍號芝生奉新人年十三應童子試援
筆于言學便蔡懋德大奇之與陳大士揭萬年均
有國士之目性耿介旋值喪亂流落不偶以卒有
過吟嘯二集

遊東山

棲遲積奇懷眷言登東山清遊不知遠鐵杖敲禪關一鐙
守古佛幾閱山中年枯僧揖我坐林下相盤桓明月眷幽
遐薄衣霜氣寒摘露有餘味園蔬堆滿盤茲遊足可述所
證非蒲團

陳 畫

畫字惟易號筮人年十三補弟子員讀書躬行尤

達於易爲艾千子所稱明末隱居不仕有周易備
謀筮考諸書

山泉歌

左泉右泉照山影入山出山聽泉音遠山縹青近山碧大
泉鑽鼓細泉琴泉上衣雲天女侍山下冷風仙梵吟無生
鄉在山泉裏欲問蓮池深更深

張鵠祥

鵠祥字雲若貴溪人與羅文止友善工詩尤善草
書人爭購藏之所居有種字園

章門歸園中偶然作

構田圃之內曠然無一隣不辭邱壑富豈厭琴書貧俗子

未能入林禽時與親因通羲獻蹟每得嵇呂真兼亦悅文
理歸來難避人

田居雜言

我家城門坂十畝繞其宅五畝在屋南五畝在屋北屋北
田苗青屋南田水白天晴水卽乾荷鋤無計策老僕皺雙
眉小僕面如墨問之不肯應吁嗟長歎息今朝望雲起明
朝望雲黑朝朝爲雲喜朝朝爲雲戚一朝雨流雲傾盆注
溝洫可保數畝收庶幾秋有獲

九日登東山

風高不整任斜冠今日登臨上碧巒須識少年都易老如
何勝地不追歡穿林白鳥從沙落隔岸黃花向水寒且折

送友歸入酒留些秋色再來看

呈羅文止

詩無間奇者種字於其園隔市雖不遠澹然無俗喧乘興
每獨往誰知朝與昏問余何所適白雲心素存

楊思本

思本字因之號十學新城人崇正中諸生少有異
質敦志節肆力於詩古文邱毛伯湯若士皆亟賞
之著有繹道十箋太平三策經國二十書黃元公
比之子雲太元族孫日升彙刻名曰榴館初雨集

天桃詞

玉作翠恩銀作牀流蘇宛轉度年芳天桃本是春風樹飛

入宮中百合香

怨詞

春草日夜綠春鳥飛且鳴感郎千金意猶自覺愁生

對月哀王孫

悠悠隔千里相憶時復吟只此一輪月思君如更深

上已日同子期修禊有懷堅白宗侯劉子安倩

三月正三日言從憇茂林飛觴傳水際染翰序山陰絳囊
浮清溜文魚映碧漪登高還悵惘望遠獨蕭森公子居寅
亮佳人秀卯金褰裳神早就識路夢相尋雨散前時事波
沈此口音忘憂樹背草有得盍朋簪縹緲春雲暮迷離芳
樹深甫田多維莠幽怨在鳴琴一日信爲別三秋寧古今

溪流如可訊寄此握蘭心

歸舟暮春

春衣典盡奈何春酒不停杯有百巡嬾葉昨朝今結子深
青殘綠總關人

春酒

常因巾酒起來遲發誓長拋金屈卮今日却憐春夜永任
教沈醉不推辭

舟發盱江奉答古度

棹發有遠意綉蘭思美人春風吹白雪仙掌絕飛塵結席
芳蘚永緘書懷袖新別來向流水何地不相親

和蘭調

竹密烟霧濃洽洽切清響坐疑疎雨聲開窓日華上

踏花明日值雨

折得花來不贈人小餅相對一枝春遙憐昨夜行歌處落
草沾泥倍愴神

同余岸少昆垂相對道院之作

溪聲有古意閒語將無同坐久不知暑道院生涼風烹茶
灑清潔濡墨思鴻濛忘言一相笑蟬鳴高樹中

望箬嶺

兩山夾青蒼曲路通人馬宛轉絕巘間夷猶古松下矮屋
剪茅茨雞犬如田野因歌招隱詩客懷聊自寫

三月十一日

清尊紅玉酒高臺綠綺琴春風吹百草何處不關心

春日芙蓉樓訪包叔賢夜飲有懷鄧壺邱先生

別來無限恨惆悵一過門恨恨故人事勞勞舊日恩酒頻
酌復冷坐久燭還昏今夜樓頭雨花枝寄淚痕

鄧篆

篆字文始號韋菴新城人渼從子黃端伯門人崇

正中副貢後棲隱南郊之暢園高臥不出

秋日漫感

襟翠飛來鳥外峯暝烟散盡落疎鐘橫塘一水斜征雁白
露孤汀咽暮蛩何事桓伊折楊柳可憐楚客製芙蓉夜來
譜入秋闈思知隔伊人夢幾重

江佩

佩字守默號如僧新城人性孝謹讀書以博洽稱
不爲舉子業隱居廩山與黃端伯涂伯昌楊思本
輩相倡和當事欲見之謝不出

廩山寺

物理觀無盡秋光戀薜蘿閉關鐘磬寂伴客水雲多雨過
花猶濕林青鳥獨歌江流煙樹外山徑少人過

璇紀

紀字正子新城人有詩名與黃端伯黃欽善遊有
南遊詩草

溪上雜興

雙峯古蘭若草碧與肩齊宿鳥爭移樹歸雲不出溪避人
成故態看竹愛新題拂袖空歸去孤煙帶水西

飛鰲峯

萬水浮空半欲摧石林人影踏崔嵬長松過嶺夕陽盡落葉滿山秋雨來磽水遠尋丹嶂入竹房幽借翠微開悠悠莫問人間事盡日峯頭醉不回

璩一麟

一麟字逸仲號石客新城人明季諸生甲申後棄舉業刻意爲詩與黃友宗合梓曰璩黃合稿

同涂山公夜渡江門

看山不覺晚乘月過江門野寺橋邊路漁家竹裏村長林

侵古渡遠燒隔寒原獨夜偕君去幽懷未可言

晚過廣度蘭若

空山禾黍徧斜陽避暑尋僧到上方竹裏雲間禽自語花
邊秋老蝶先黃鐘鳴午夜雙燈寂月滿疏林萬壑蒼杜子
卽今超世外時時來往贊公房

溪上

小徑入松林寒流爭斷岸漁歌送響來時與溪聲亂

馬猶龍

猶龍字季房廬陵人與劉同升交最善時宰往謁
欲薦之朝堅卧不肯出有洛如館集

武功山

知聖茅庵翠幾層冷狹遙挂一枝藤白雲
峯頂千秋月夜半寒光照定僧

獨有空林出梵音愛山不覺住山深閒來欲問齊雲路落葉蕭蕭不可尋

安成石屋觀周日培新構草堂

松堂人靜晚烟稠樹古雲籠小洞幽獨倚曲闌看翠滴不知山色在高樓

信州水巖艤舟登飛雲閣

似是桃源道頻通漁父船蓮花披石秀雲錦照川妍江中
有蓮花鋪石壁冷空遺蛻丹封不記年瓊田鶴駕杳故物爲誰傳

雪夜宿寧國寺

雪深林際寺蕭瑟動寒松言尋上方侶頗詣塵外蹤暝煙
銷霧薄履跡破苔封野闊鳥雀亂行人曠未逢忘言永今
日僧起叩寒鐘

過青原清幽谷

山重水複谷名愚一筇一屐吾與俱過溪二十四道殊一
坐石聽笙竽碧篠黃花生石膚青青寒蔓水中蒲深潭
皎潔明鬚鬚沁入心脾照骨癯且復與君立須臾摩挲雜
樹辨根株丹林秋燒引崎嶇空山沙跡走麌麋清幽僧舍
隱如孤雲舊寒泉瀉入厨芋魁瑩滑如玉腴山薯野菌當
乎林深蘿合鳥相呼

過寶龍寺

幽蘭香一室老柏翠當門春信經年隔燈花昨夜繁清池
開白曉新月帶黃昏猶有營巢燕銜泥認舊痕

鄧右符

右符字台卿南豐人與蕭漢友善

挽蕭象石

疾風勁草識蕭郎浩浩長歌正氣揚寸七鶴鋒橫野寺五
宵龍血濺鍾祥元圭誄至孤忠烈黃石齋傳一瓣香廟食
安能銷倣骨綸音佇聽到泉鄉

遊崇覺寺有感曾文定公墓

駐馬寒塘聽晚鐘平安竹下走青童松杉異代秋風裏鳳

蟲荒碑落照中客爲白雲添悵望禪從黃葉悟眞空斯文
今日誰爲主莽莽寒山感慨同

吳人先

人先字景讓信豐人崇正中諸生絕意仕進屢聘
不出自號清權逸者有清權韻餘

遊小龍山

登臨不憚涉流泉石磴斜開別有天精舍却疑雲霧裏柴
扉只在澗阿前淵明漫賦影形句惠遠能參文字禪莫道
虎溪三笑遠願由此會息諸緣

李飛鵬

飛鵬字雲翼號四餘奉新人崇正中屢試不第棄

諸生服屏居橫橋山中號雲峯樵逸嘗慕魯仲連
徐孺子陶靖節林和靖之爲人賦四君詠以見志
有集

水心亭

香刹芳亭卓來遊興獨濃深林紅葉積曲徑紫苔封淡月
籠新竹輕烟罩古松斜陽歸步處幾杵暮天鐘

九天閣

蓬萊仙境出人寰天女高居霄漢間一水瀠洄成碧色萬
山戎削盡蒼顏花開春暖江鷗集木落秋深塞鴈還地勝
神靈多雨澤不須豪句破天慳

李奇

奇字平叔新建人明末諸生生時父夢長吉降其
家旣長好學能文讀書城南半舫齋爲南州四友
之一

夕佳樓晚眺

平楚蒼蒼一鴈聲歲斂芳草傍寒生天隨野色低荒驛雨
帶江帆隱暮城石壁遙將孤影落遠山微透數峯明郤開
蘿逕遲霜月渺望烟波十里情

周 珉

璉字叔璋新喻人崇正中潛居不仕築室城南秀
江亭側顏曰耕讀軒嘯咏其中按新喻別有周璉
字子重永樂四年

上進

力田謠

力田好春種夏耘須及早一聞布穀聲便是催耕鳥荷锄
山月高風吹隴雲曉私庾充盈官稅了白酒黃雞日醉飽
熊洪

洪字開先新建人崇正中諸生少負文名著有足
庵詩稿

徐亭

只此千霄在煙光自古含看籠前圃月似帶遠山嵐大厦
今猶急高風晚益慚生芻無奠處應嘆樹何堪

蘇圃

學圃前賢事因君圃得名一鋤煙雨濕雙屐水雲輕題句

壁間跡寄書天上情鑿坯兼抱甕無地著先生

黎斐

斐字非文新喻人崇正時諸生講義理之學兼工詩負母避亂蒙山之麓當事屢起之不應

讀墨

三月他鄉客吟魂未肯安門深疎拜接讀罷懶衣冠甲乙
關風氣春秋異肺肝自憐三別後鬚鬢也能酸

散步

夏老鶯尤滑驚心一樹鴉主人能好客遊子遂忘家步窄
閒穿筍眉疎小蹴花匝邊差有劍不惜老風華

雜感

欲買幽居未買閒年來辛苦幾曾閒學琴半解無絃韻飄
展難逢有月山夢裏功名醒後冷兒時書債老猶慳頭顱
空滿君知否試向灘前看白鷗

劉而寔

而寔字稚木宜春人博綜經史自幼以孝友聞獻
賊陷城捐妻子負母逃遇兵以身翼母傷兩刃弗
顧賊義釋之後隱居著述有性理集要周易參同
契注釋諸書

釣臺

確石躋古苔下臨江水碧沿洄竹嶼間傍岸松徑窄雲霞
自舒卷風月任朝夕想見垂釣人忘機隨所適

史白

白字堅又鄱陽人乘古子年十八值母姜以殉節
死遂杜門不出究心先儒之學晚與二三遺民爲
道義交築室青湖逍遙以終其身

甲寅紀難

維歲在甲寅十有二月朔介馬徧郊原焚廬肆屠掠山妻
懷弱女一葦湖心泊倉皇五男兒東西罔所託我潛蘭若
中天寒氣蕭索僮僕盡奔逃兩日慘不食叶式均切越旦伯兒
來敝衣聳雙骭步蹇高復低形垢靑還赤叶敕界切猝然莫認
之間爾何方客叶若各切聞呼始辨聲有淚隨聲落云兒遭痛
筆筆已更束縛黑夜伏荆榛幸未墳溝壑傷哉阿弟薦捐

軀飽魚鰐阿葉

音插式

暨阿苦驅挾入戎幕今僅阿殺存

老婢能贍護

叶黃切

勁囑阿爹豺虎勢方惡言罷各歎歎

僧厨進糜杓半杓未沾唇遷騎喧膈膊父子再分離時命

真乖錯慄慄半月過乃走鳴山角鳴山鮮親朋我弟獨先

適

叶施切

休辭道路艱且冀鋒刃脫前行旣茫茫後顧還叟

叟渡澗魚梁摧投村鬼火爍風悲肌骨酸霜重毛髮白

叶迫切

各邇迤望鳴山難民號繹絡兄弟忽相逢恍疑夢與覺所

居方丈餘草椽乏翦削上愁雨雪傾下畏猛蟲攫家人次

第至羣處如屈蠖冷竈栖暗塵欹牀掛空橐袖手仰穹蒼

何計度朝夕

叶先切

循田覓弃蔬抱樹搖枯籜含辛活殘冬

勉力待春作遠感姜生

咸思幼惠兄弟

賢招我供擔石

叶石若切

素餐

詎能甘輶轉慮紛若那知三月交狂飈猶煽虐環城數百
里在在驚風鶴孰是苗可分孰是麥可穫鉏耒苟勿庸將
更爲矛戟叶訖
約切朱生念舊深尋蹤到幽谷叶乞
約切分彼負薪資信宿共清酌老友金非林厥誼尤卓犖惠我琳琅函令
我獲裳澤叶徒
洛切傳說新除令曾示安民約瘡痍竟弗蘇征
輸轉催迫叶卜
洛切嗟我羈旅情暫受童子業叶逆
各切舌耕畢公需豈敢言收薄彈鋏羞馮驩曳履笑東郭如此遂三年乃
得返故宅叶徒
洛切誅茅蓋頽垣斬棘支朽桷抽我匣中毫啟
我胸中鑄此身雖頗寧此境尚如昨從來生死關憂患與
安樂欲以語後昆聊爾記其畧

薦福碑跋歌

覽然湖上亭剴然亭下石率更遺跡尚可尋魯公名字炳
如日憶昔魯公作亭時爲愛率更筆獨奇那知衆好天所
忌違遣神丁力取之銀鈎鐵畫一朝碎書生適爾逢其會
遐哉范公濟困心至今令人仰高而長喟於戲翼然亭戎
纓繁剗然石樵斧停湖邊芳草青復青誰能呼起驚雷掣
電之精靈使君好士更懷古夜來屬鼎號風雨此亭此石
千載有餘輝魯公范公應共語

過故淮宮望洪忠宣祠及江文忠止水池

奠作阿房賦髮衝背裂有餘怒莫作連昌辭鐘殘漏盡含
深悲君不見黃河之水環如帶那能浩蕩長爲界又不見
黑塞之城固若山幾見沙塵不度關勲華眼底浮雲事一

人得死可無地城西有祠曰三洪中有哲人忠宣公餐餽
臂雪子父同古今生氣中原中城北有池曰止水文忠閣
室於焉死蠡雁哀歟湘鬼啼騷魂隔浦搖芳芷丁鶴重來
故土非至今宮闕嗟何歸先賢之風不再得丹青千載留
顏色君不見文忠死所水猶寒忠宣遺像儼衣冠老木蕭
森荒草暗斜陽黯淡悲風酸我憶古人醒復醉挑燈讀史
不成寐萬里山河一片心半宵猿鳥三聲淚

熊 銛

銛崇仁人事母以孝聞兄子罹禍破家銛析產給
之置義冢修邑志著古今忠孝節義輯畧頤年雅

會詒書

中宮院

我昨投支清冷淵稍責老龍多睡眠鐵笛穿雲久寂寞作詩喚起劉高禪劉高豢龍龍與語一夜風雷共謀雨雨師荷鉢破天河阿香應門覓桴鼓不須藥巴西噀酒那用出龍煩魯叟殷勤寄語望雲人高僧自是調元手今朝夏抵明日秋一夕不雨還自休南陌沾濡北阡渴東隣感激西家愁安得黑雲如漏卮處處家家田作池子有鉢飯便可飽爾我公田遂及私

傅金城

金城字方築瀘溪人性孝友尤厚心理學不事章句有五經臆補

大覺巖

洞裏真人丁令威千年華表一來歸丹臺已息陰陽火誰問人間是與非

詠牛耳泉

春犁未服日悠悠側耳鳴泉幾度秋莫是世囂聞不得也將此意學巢由

古松

數株斑駁白斜橫擎攫烟雲逸態生最是人間繁吠亂爲誰天半起秋聲

種竹

高林一抹裏晴空瘦影偏宜度遠風昨夜琅琅疎響至疑

聞仙佩在牆東

余應荃

應荃字未人寧州人事母至孝博學能詩文有集

修水詠古

接天遠水注孤城堪泛魚仙渡口船舊井雲封太史宅

雙井

爲山谷洞空川月隱使君亭

旌陽山有濂溪書屋

溪山宿好依雲寂法窟

烟雨奇緣觸劍腥

許真人磨劍池

何日輶軒持斧至泠泠聲和管

絃聽

王宣

宣字化卿號虛舟金谿人家桐城年七十遭亂歸

鄉里篤學尤邃於易窮老不倦服膺羅近溪幼與

左光斗曹履吉輩以文行相鑠礪方以智師事之
書青原惜陰卷後

新建文成之宗以羅念菴鄒東廓二公倡於青原而盛也錢緒山王龍溪二公時過青原相訪四方應之後來鄒南臯公證明一實合拍東林與方君靜廷尉公會於首善申無我有事之旨歸龍眠與吳觀我太史公激揚歷年潛夫璽卿公爲廷尉之子太史之坦淵源合乳會通於易則三百年之鐸備於斯乎盡變安常平奇偏全激揚神化知極知節天自末由各泯於事不欺已耳山水逢場仁智一笑因吾鄉易友攜太平山房青原惜陰卷來璽

卿贊歎龍馬老叟因爲作歌

不二覆幬非茫茫幸得一門傾肝腸簞瓢卓立誰處囊聊
以敝帚爲資糧青原山水護宮牆鄒羅合爇餘姚香千里
諮詢錢與王惜陰鼓舞懷文莊知致無知休彷徨蠶則績
兮蟹有匡九萬里鵬捨榆枋上下小大無低昂心齋心隱
山農狂喜有近溪起盱江溫陵黃檗淬劍鋩老託慢罵烹
粧糠石質躍拊袁中郎衰年自責收兵降豁渠雄誕作剝
場小修心律炙骨盲整菴干掀如暴尪弱侯廣採陳笙簧
文清文介正冠裳二無獨弦彈清商東溟六龍五雲翔胡
秘傳夸倒蒼遠厭靈素燒岐黃博山憂棓爲櫻槍謀詭白
廬山作衡齊方總爲掠虛弓反張譙牒捭闔繆刺傷海外

著羣柂盲蓮池性海扶幡幢慙山紫栢相頡頏門庭撑住
呼顚當大人統御惟提綱彌縫不覺栖皇皇涇陽景逸修
堤防緣不得已申比艤南畢嘗云放下良樂隨無念野徜
徉一享皇風無邊疆一考天官視履祥野同家學以此藏
九疇四克歸平康河洛端幾千運彰燧鏡取火從中央秩
序數度非荒唐物有則而神無方復見東關來一陽天無
寒暑空蒼蒼交格經絡施棗蠶性不可聞事宜詳果蓏有
理安其常三一老人薔汪洋無我乘位時偕行春風闊闊
秋履霜誰駕麒麟驂鳳凰喜遇吾友展青箱浴風歌詠樂
無荒別路孤行絕商量黃葉燒灰埋金剛殊塗同歸何有
鄉書此遠寄傳心堂太平采擇留山房善世遯世皆金湯

惜陰振鐸聲琅琅

楊炤

炤字明遠清江人崇正末移家長洲補縣學生高才盛年甘貧遁跡有懷古堂詩選

戲詠

顏子陋巷居安貧固爲好萬一受命長簞瓢至於老此時白髮翁非肉則不飽百年常飢劬無乃太枯槁

長蕩春汎

春心不自抑率意爲歡賞旣洽尋山興復生涉江想恰當風日佳悠然進蘭漿綠楊映垂垂黃鸝鳴兩兩此時盡一尊浩歌激清響遙望秦餘山開懷對西爽斜陽半邨戶遠

岸挂漁網逶迤出前浦蒼蒼月初上

黃文星

文星字子威南昌人孝感縣貢生明末獻城入楚
督義勇禦之已奉父命歸南昌守墟墓乃置義倉
義學建山谷祠兄以抗賊死弟侍父家孝感歲往
省視又構室於江上曰望楚堂有詩文集

春湖曉釣

半湖春雨一簑煙盡日蕭蕭濛碧天隔岸桃花茅屋底斷
無人處有漁船

余正垣

南昌人曰德孫有昔邪園集

去吉州錄別

昔我二十餘落落安鄉土顧盼出門歡登途氣爲鼓及此
倦遊時方識別離苦借問告者誰傷心難悉數憶昨去京
國慈母牽我衣堂上三四語修程不能違今年送我者老
父獨倚扉欲言還掩淚汝行或恐非母逝日以遠子去何
所歸仰視浮雲變俯看階草肥日月不我處老去將誰依
知汝衣食計一心兩端持貧賤若汝棄別我亦何爲稍聞
南贛地羣盜未全靡憂來無斷續相見以爲期

古別離

春至各爲歡衆鳥方偃息聞君今日去賤妾腸如織感君
離別意四顧無顏色使妾媚君言欲語忽已結斗酒化爲

醯燈火化爲涅君去日以遠那能不悲咽

願言少佇立何物當君悅展妾囊中琴爲君歌一闋昔人重古調今日新聲列未彈意先塞手爪不能揚高山何峩峩流水何洋洋念子知音者乃在天一方

清明後一日郊遊

爲惜清明過因之出郭行柳殘鶯有恨風暖燕無聲水抱孤城曲雲橫遠岫平非闌疎酒伴正苦昨宵醒

十里如鋪錦深黃菜著花偶經樵子徑却羨野人家小塢還飛雉陂塘正產蛙輕烟應罷禁細細出村斜

客夜王幼房過訪共賦得歡字

又是清秋節同君坐暮寒疏林翻月亂殘葉下風單作客

新愁易論交古道難車塵空滿目對字幾人歡

武林送朱道徵下第歸弋陽

故國無期到他鄉又送君亂雲春色暗殘月夜初分綠醑
江花映青衫岸草薰燕臺回首處愁緒更紛紛

舟中對雪

孤客多愁思空江夜雪時却知清可愛未是凍難支峯冷
離青易波虛受白遲藏舟風似穩幽意託艱危

鳥聲虛野岸人影覺依微犯萼增梅瘦留花與木肥風流
孤繡帳浪跡媿征衣鄉思重重晚餘寒隔夢歸

晚泊

慢櫓迎高岸橫舟帶遠山所經淒惻并到處別離關鳥丁

如人倦雲殘欲自刪頻年成憒客晚泊度危艱

十五夜舟中月

月圓波更靜人在洞庭船薄露遙臨水微雲不駐天簾輝
春遲曉花照日同妍翻引嫦娥笑孤舟見汝偏

十六夜舟中月

三月春方暮孤舟月又殘光寧昨夜減人向此宵看解照
秋菱瘦能增添水寒清輝飛動處宿鳥未曾安

晴江舟晚

水氣侵霞影殘陽古樹梢人家閨暮景野色自春郊鶯立
如遲月鴉飛欲受巢危橋容望處荒忽晚煙交

潮州逢趙子玉

蕭蕭行李各青萍十載雞棲可具陳煩惱定知嘲熱客悽涼甘作避炎人悲緣龍性馴應苦怨託蛾眉黛懶匀我欲問天歌楚澤連城自昔趙家珍

餵芋口號

餵芋何妨且樂饑皮毛剃伐自冰肌香傳火候聊蘇肺顆落盤中試朶頤白日攤書茶竈沸清宵看竹酒卮遲猶聞故里方炊玉那得蹲鳩十斛遺

艷曲

花氣和香焰風絲伴帶長凭欄呼小婢莫去繡鴛鴦

撥鬪

曉來無事笑春忙又看梨花滿地霜不遣閒愁絲雨似朝

朝暮暮織柔腸

下階隨意折閒花愛殺和風拂樹斜但使春光常在眼漫言客舍不如家

秋屏閣偶成

遠樹浮青靄樓高入紫霞山光生萬疊月色到千家獨鳥橫江渡孤舟隔岸斜忽聞吹玉笛殘夜落梅花

胡先覺

先覺臨川人有楚莊稿

千金陵

道士驅羊到汝陰何年鎖鑰更追尋青袍有客迴春眼書帶無人識草心三尺桃花魂夢闊一隄絲柳水雲深扁舟

買得頻來往白鳥時煩寄好音

吳景南

景南臨川人有南窻吟稿

上頓渡

鳥柏門前路潮空露遠汀岸煙搖細草沙月亂寒星溪靜
梅花白林深橘實青夜來風力峭吹面酒全醒

西津渡

野渡寒流淺低頭已見沙湖秋禾晚穗園暖樹冬花地勝
樓多寺林荒屋數家輸租官限急塞路走糧車

梅浦渡

一笠斜陽兩袴泥亂山橫處涉晴溪黃分野色菜花重綠

剪沙痕莎草齊潮滑兩涯新水退天空萬里片雲低社翁
未放春晴穩啼殺林頭老竹鶴

南北井

峯頭井幹隸僊人天上寒泉自作隣分陸依然涵日月兩
街相望沃星辰石根已沒丹成竈水力俱傳火後薪野鶴
飲閒毛羽潔山南山北往來頻

芙蓉山

萬仞蒼崖碧翠強追健步寄登臨青山瘦瘦秋雲淡紅
樹通明夕照深瓜削斷厓緣鳥道松號空谷作龍吟仙靈
欲換詩人骨塵外天風洗客襟

王仲鑄

仲麟號撻亭南豐人

醉題川上亭

寄迹人間亦偶然
松風蘿月滿晴川
客來最苦秋將去
留住蘆花伴醉眠

蕭發生

• 發生廬陵人

寶壽寺

十載重來蹟別情殘僧古寺認分明
飛花繆徑憑風掃零雨膏田帶水耕
睡犬當階常錯吠飢鳥繞樹若遙驚
晚鐘聽罷消除課誰伴南山踏月行

賴茂顯

江西詩徵

卷六十四

明二十六

三一

茂顯南康人

東渡觀瀾

縣城東郭芙蓉渡江水茫茫雲氣長幾度夕陽歸去晚濟
川舟楫穩如梁

張于岸

于岸南城人

仙都觀

尋幽來此地選勝到山房竹密風聲迴松高日影長煙侵
留杖履歲月寄壺觴道士閑調鶴茶煙午過牆

賀直

宦字子顯安福人

垂花巖

誰從太華摘蓮房影落高巖卷碧蒼石刲不磨仙世界雲
心長似佛衣裳寒凝黛色侵圓嶠翠鬱松根控曲廊自是
鍾靈元氣在天風飄下乳猶香

朱統暉

統暉寧獻王後家南昌

過東林訪三昧法師

偶來看瀑布隨意過東林問法蓮花白安禪竹葉深響流
千壑晚雲定一潭陰嘯詠溪泉上翛然淨俗襟

宋佚

一作宋暢

佚原名之盛字未有星子人崇正末舉於鄉性廉

介潛心理學後隱廬山足跡不入城市著有語錄
及詩文集

答友

世風輕薄甚所重有黃金古道誰相許與君結此心書傳
邊塞少情共棧雲深萬里孤踪客懷人費苦吟

鄭大生

大生字長公貴溪人少尙志節慕文文山之爲人
甲申後渡江走閩死

絕命詩

義士先名日書生致命時文山衣帶句千古締相知
江西詩徵卷六十四

江西詩徵卷六十五

城曾燠賓客集

國朝

陳允衡

允衡字伯璣南城人明御史本子以詩遊江湖間
倦遊後結屋南州之蘇公亭畔詠歌自適爲海內
所重著有澄懷閣勤補堂愛琴館諸集

學集

寒風歸大壑愁雲散空林寂時獨往客杖策爲幽尋
與太陽此意未辰參夜來蕭屑聲鶴鳴遙岑
村在臨江岸支筇得得行遠峰爭出沒白鳥較分明客舍

依然冷漁舟分外輕賈晴如畫裏若箇有閒情

得施屺雲比部書及黃山集將赴會以詩代意

在昔白雲司才子耽清秩城上出數峰署中寒落日

席下有戲

峰城上出落日署中寒句李王旣代興徐梁乃遙集當時盧謝輩名亦

稱其實騷雅自巖廊豪華到隱逸斌斌嘉隆間直欲過大

歷鼎移百年內此地在荆棘池館塵風吹粉墨土花餽陳

迹咸前人王風或發憇施俟起宣城薄闊半家食要津不

可廢蕭疎寄翰墨虎視揚馬間七子有餘力穀水映清姿

亭宴追建章嚮者卑中賢誰是兼作述

沈湯兩太史藝林稱作者而禹金先

生意乃在述君新乘之深心入文更應手發揮律高才而下人未契

似膠漆在遠寄素書乘輶過茲室追隨得所歡開闔若相

失豈如李謝交翻覆成頃刻君寧官獨冷我苦客相逼行
當覽德輝庶往附鳳翼同舍吳與方

歐雪邵村兩君久樹詞場織

機通苟能復元古勝事不空憶吟罷將見君春山有佳色

鄭士敬孝廉見寄陳隱君畫蘭便面以詩奉答

持贈稱三絕臯橋多隱淪聞香忽成操采佩更何人路隔
風波迴花看湘沅真相思非一日懷袖又經旬

四月初二日吳禹公自黃來因訊文起右舟元範非

二芳城無作階三露菴諸君

旅次安窮巷常停長者車江程看夏首山色話春餘命達
人從貴時難計轉疎多君方獻策腹有董生書

山中人自老江外信全殊月出諸峰阻花飛一水逋黃金

怨汝我青史覺虛無莫笑干時急曾爲委吏徒

至宣州題姑山草堂

同俞去文孫直公爲徐次履作

草堂何處是野徑入看無鷺影水田盡雞聲村店孤庭空
圍老樹閣迴瞰重湖到後塵心絕幽人在畫圖

我欲尋丹壑君今住白雲藉茆爲屋穩種紙覓蕉殷酒豈
高僧禁詩偏少婦聞寂寥將老計滄海任紛紛

家散身如寄名高累亦繁相看惟巖嶂能隱卽桃源野史
避人葺遺詩爲友存曾賚磨鏡具親醉冶城魂

棲隱從茲決浮生且得閑行吟送落日倚嘯動空山小屋
孤雲下扁舟兩水間蘋檣自乘篷戶不須關

王安又招同施次仲周鶴用諸君遊華山兼訪杓司

不值

所居潭上
有小釣臺

探山只數里倚棹變陰晴竹樹依城轉鳬鷗傍水輕松風
生夜色人語雜溪聲隱者不可見空餘釣石情

癸巳春蔡大美來訪鷲峰衡先去有詩見寄補和一

首

一春依古寺踏破寺門苔我正乘潮去君重躡屐來壯心
銷客路故國望孤臺但學孫登嘯休爲庾信哀

從梅渚夜渡瀨上

客行多晦跡津吏識鄉音官舍祠堂古漁舟葭菼深星光
生暗水螢火出荒林遊子還家夢蒼茫何處尋

舟中書所見却寄郎川邵公博士

孤舟一乘興自暫歎飄零野草截湖綠遙山帶水青斷雲
行處暗急雨過時腥道路非吾意差稱是客星

午日同蛻斯先生章民文學集夏林呈彭葵若孝廉
地僻宜銷夏科頭坐臥閑竹聲時作雨樹色欲沉山楚俗
今朝怨吳音幾歲嫋他鄉同節序把酒且開顏

初春訪張來初先生園居

春泥三月深於尺獨有幽居穩閉門籬外蔬香供饌摘齋
前蕉綠待書翻幼安木榻心原苦仲蔚蓬蒿道自尊爲問
市朝居馬塞何如羅雀靜晨昏

宋柴雪太史招汎園池卽事

桃源一水曲蓮社數花開但覺人間遠相從畫裏來舟回

輕似葉樹合碧於苔客至聞長嘯新詩待汝裁

頻年戀紅友今日念蒼生屬望趨裝意殷勤別墅情遠山
看畫手流水載琴聲更有溪雲色隨人到鳳城

東郊和韻

不識元龍面人真負此生乾坤推老手湖海寄閒情雲湧
峰巒勢松來風雨聲欲將樓百尺臥爾作干城

何匡山觀察借園集飲

先達欣相見天涯醉是鄉但看樽有酒益覺宦無囊蔬灌
庭前綠荷吹院外香留人待明月樹影上空廊

月夜吳朗函掌教齋中醉歸漫簡

欲語君應笑頻遊傲不眞月憐將去客花憶待歸人仲叔

原多感相如豈譁貧高齋容醉臥乍識轉情親

謝雪堂先生

雨雪整江櫂長路子焉卽夫子獨迴眷飄泊依顏色女巧
悅在彼士賤論益刻浮俗趨榮名高賢戀遺逸孰手問去
程行止悲失職離懷命尊酒幽衷慰翰墨何由鏽羽後假
此垂天翼平生媿采甄前途轉修飾遙遙飢渴心誰云非

禹稷

留別博菴黎公十四韻

桑梓辭前代香茆非昔遊人間看泛宅秋色對芳洲身世
從心隱江山與地幽閒雲朝不散華月夜長留寂寥通遐
往低回事倡酬寢因疎雨著簾爲晚晴鈎容接贊雙眼談

言悉九邱酒深銷旅夢棋緩送樵籌但覺挑燈數那知逝
景悠佛龕終歲靜花徑逐時稠霜欲侵歸鬢寒先中敝裘
別難磨驟語去只伴窮愁慢聽尊前曲輕移雪裏舟輞川
回首處相傍愧沙鷗

別匪義劉公內伯父

十載吳備別灌城伯鸞今愧事浮名重逢猶記兒時話久
處方知長者情臥病僧寮煩願問衝寒客棹苦經營祇餘
偕隱信前約裘敝應還帶笑迎

別古莊刺史

江樓時徙倚殘雪冷河洲念有乘船客嗟非破浪遊故鄉
偏易去良友正難求縱使音書達何如守一邱

作述從君意儻寒悞此身史才三國在詩派后山真倘及存微尙終期結舊隣江干高臥穩應憶未歸人

答熊奉常

客心傷歲晚倚棹聞歌聲歌聲一以歇谷響塞潭清孤舟不能發古調感中情曾是澹蕩人忽爲塵網嬰嚴鄉長遁跡張邴甘解榮蓋無好爵靡千載高其名邱闕可棲遲文史足經營俛首徇世務無乃負此生君言良非誇吾願亦易盈行當擣妻孥白首從耕耕

寄榆溪徐徵士

欲來遺短札將去動深思江外如千里人生信幾時爲閑居始定招隱約難遲猶空至山夜應成惜別詩

喜接內兄鈞遠公書寄謝

元鉗 蘭公名

一月不得家書來一日江頭望一回今日得書再三讀非
子念我空徘徊我當失意慚相見子從憔悴增依戀密行
細字盡中腸千里三江如對面上言慈母望我歸晨昏代
我謀廿肥下言室人謫我出謫我故令音信稀但是平安
休過慮已卷詩書理行處相逢難謝別來情預願明年不
他去

寄壽吳叔大七十

叔大墨法奚氏竹師與可

白首山居不入城人生七十更何營燒松盡作雲霞色寫
竹時來風雨聲嬾說東朝須羽翼無勞左席動逢迎駐顏
別有真仙訣坐臥蕭閒百慮輕

歲暮展張與京手札兼懷石初隱君與瞻文學

坐憶銜哀骨立時書來苦次尙相思撫琴應絕人間響拭劍難酬地下知別路江潭秋水濶歸期冰雪嶺梅遲阮家門巷長依泊慘澹難尋春社詩

癸卯春集石翁草堂賦人日詩是冬來翁逝

程五王郵築公詩札至寄答

築公已卯孝廉甲申披緝

一哭未可負愁雲慘不開側身歸白社裏足謝金臺舊臘看階樹青春憶嶺梅猶餘故人念詩句出新裁

石馬道中欲訪舒成之不果抵暮口占

野曠門難望蕭蕭一騎行幽人應晏息倦客正長征凍水不成聲生烟稍近城無因話離索昏黑意忡忡

過貴池寄劉興父兼期吳山賓戴無忝良晤

世事相看汝我疎秋來浪跡怨離居鄉心轉逐他鄉路客
夢都經過客廬瓢石尙憐辭氣拙曾從輿父乞米孤琴難奏淚痕
餘思君也江阜可便因雙槳把手年光又逼除

寄劬菴黃公

公爲衡治中州書未果行躡躅江畔適逢閩使感念舊緒因呈此作

當年徐孺子薦辟有黃公賤子偷難儻明公望獨隆唱名
膺帝簡下筆按神功安石情懷逸長源骨相同梁園初咏
雪楚國早聞風旗鼓中原迥屏蔽半壁通艱危看獨步灑
落御羣雄歷數當傾否天心屬發蒙彈文攀玉檻草檄上
花颶憤激惟投老倉皇豈熟中有無詢玉橈疑信望青宮
擊楫春流亂投鞭夜火紅連呼過河北隻手擲江東釋縛
才方著乘桴意未終柴桑等舊隱湘水溯芳叢宦海違心

拙詞塲寫怨工澄江停畫鷁
羈旅嘆冥鴻契合驚殊遇遭

迴費苦衷夷門遊自阻
膝閣路偏窮往事頻追憶
新知聽

驟逢慢亭雲色黯溢浦浪聲洪
魂夢隨旌節音書愧梗蓬

蓮塘道中賦得孤松限韻同徐聾山王子展

微行却秦封獨立駐海影根殊大厦拔色異荒陵
冷經霜
枝不落向日蓋猶整南窓撫逸人石橋思畫境

拜先大夫墓下感述

山圍松柏青識我先公墓兒來下拜頻一慟
魂欲赴嗟兒行遯久望祭徒哀呼豈不思邱井辛酸歷多故
試述今年歸慈闈訓秋賦乘田且爲貧捧檄豈無慕忍死汝一身菽水寧弗願是時囊無錢那得出跬步平人旣多難違已復

深懼拮据歷夏春方及理行寓母婦交丁寧速去勿他驚
兒時轉憂思拜母話情素怕見食貧人功名亦難作行行
將母命事事任天數還鄉七月中父親頗傾吐似兒百餘
子舊藉已不注白日望公門清夜識苦趣喧呼閨進退聲
歎識喜怒居然成濩落慈懷違託付貴賤各有時巧拙信
所遇兒年三十強豈卽傷遲暮躡躅愁異鄉蒼莽昧前路
衣食苟有端攜家守封樹

母氏望門間已是苦寒日兒今別翁墳悲風飄淚濕墳前
萬松樹樹兒手植十年過人長能作青葱色再拜告土
人人誰非子職但願護根株慎勿尋戕賊兒行多回顧夢
繞松枝泣來歸當有時早晚難自必將欲東遊南又思西

去北備書與授經庶幾近食力骨肉永相保此身任通塞
翁靈無不知兒衷難罄述

雲中得劍邑明府宗公書暫往赴會情見乎詞
忽枉琴堂札憐才意獨真江舡能冒雪驛吏解迎人倚望
心方亂當歸寄已頻寧辭百里遠豚豚愧嘉賓

至劍邑止宿豐玉堂卽事呈明府公

雪霽竹色淨蕉影亦疎散朱實綴林間幽蘭圍宅畔主人
少塵事客至有深玩夕景若爲駐寒鳥時一喚入室見琴
書道懷白澄觀徒倚忘羈愁晏息發詠歎宦跡多信宿高
齋異昏旦感公清淨理未覺經離亂

丙子秋別胡悅之隱君子棘院甲午歲杪始相見後

信宿而行枉贈古風卒不能和暫成短律兼訂後期
佳句不能讀低回十九年小時各自苦老至誰相憐盡夜
同撥火空江獨放船追隨應有日感慨亦徒然

過三洲蘇圃尋水明樓澄懷閣汎宅讀書舊處感懷
寄遠公聞公內兄弟敬呈外父大人

面面澄湖照客愁鳥巢人跡冷三洲幾時水月邀廻櫂何
處烟嵐對倚樓草色看殘千里恨角聲吹斷一城秋與君
莫話當年事無復瓜田有故侯

曾聞日轂手雙扶但有蕭然宅半區住定君堪誇二陸歸
遲人似問三蘇趨庭接席情何間開闔連牀調不孤奔走
亂離成老大十年前是一愁無

步自杏花村遵湖堤過鐘樓至上藍寺同王尊素程

鳴玉訪堅忍拙生二開士不值歸路得詩

荒城迷舊路湖水激殘痕馬走風俱疾鳥啼日易昏豐碑

表蔬圃

蘇雲
卿圃

淺葦失烟村眼底滄桑事天心不可言

古寺閒尋得籬疎竹數竿僧偏渡江早客正入山難土銼

烟初斷杳臺影自寒阪依何日是愁思又無端

時與王程
有廬山之約

祀廢頻年復誰高異代經政間親土木俗改信神靈野草
春還長湖波夜不停人蹤看漸少鬼語趁流螢

同有三洲路餘哀寄天涯幾人嫋玉帳通闕攘烏紗自冷
秋屏黛空飛春渚花軍中涕笑足羅綺入誰家

數過湖上始識喻宣仲丁仲陽王于一三君草堂故址

三隱湖邊宅重來不可尋水雲看窈窕文物憶高深有徑
連秋草無人下野禽竹西遺一老應已廢瑤琴時王隱君客揚州
道經禍塞軒悵魯直孝廉遺稿不可得

故交誰是定君文腹痛車聲路不分豈似茂陵求禪草竟
同俠骨喪燕雲銘旌好寫生前筆掛劍難尋死後墳李杜
曹劉俱寂寞應無遺恨到從軍孝廉沒于上谷軍中

東湖湖上亭巋然獨存安公能言閩城中事索題一

詩

劫度三回一笠存經行不改舊朝昏禪燈自照亭前水春

草全生橋外邨欲辟黃塵依淨友休談白骨動驚魂已公
茅屋題詩滿却損茶瓜應接繁

與陶堯生解嘲

山澤非不深饑寒苦相迫負米昧前期雕蟲事行役豈知
信天翁謀食一何拙我慚陳於陵君愧陶彭澤

汪次華見過

江寺依僧定君來未覺喧往還從早暮身世信乾坤濁酒
愁禁得孤花靜不言故園搖落後相對一傷魂

劉石公夜話並問令弟英公善長

深邨喧鳥雀歸客夜相親聯璧人俱老吹簫跡已陳昔時
曲石公倚
輪之隱知生理切亂覺史書真其顧燈前影悲歌動

比隣

答金沙潘聖昭

時名赴幕中

金沙累葉產人文，鉤黨沉淪剩此君。
舊社姓名同逝水，新詩姿態尙凌雲。
寺門旅況聞晨梵，江閣閒情送夕曛。
總是因人悲伏撫，少年裘馬自紛紛。

公廝別樊五叔炳余初詭他姓氏

時在掌坊公所

傳舍連牀更共餐，十年顏面愧君看。
如今不用稱張祿，昨日誰憐范叔寒。

送張治良廣文德化

繡衫甘載看凋零，子獨知名去授經。
此日濂文官不冷，匡山況在案頭青。

和黃州王補菴簫字韻惜別

百年苦短歎飄搖慢剪寒燈送此宵壯士夢殘同看劍美
人心遠獨吹簫林間風致狂猶醒澤畔形容怨未銷別後
相憐山外路願隨流水寄詩瓢

過熊芊僧春卿綠波樓

客居邇高館累月虧追隨士有不得志風塵損其姿白首
尚乖違寧望頃蓋知翩翩兩玉人耿耿長相思茲晨一過
從應門不我辭坐我讀書樓談笑欣多奇千秋豈無侶終
日何苦悲天氣適澄碧波光鑒鬚眉尙見南浦雲出入西
山隱爲期泛名酒且欲賦新詩

辛巳秋吳門邵僧彌寄余山水圖兵後失去辛卯夏

新安程士哲從市上購得之陳早公重題藏焉甲午

冬士哲晤余欣然見還感賦四韻

畫手已云歿微綃聚散多重來共饑渴不往殉山河歲月
忽如昨風煙了未磨感君收拾意兼可慰蹉跎

信州江嗣芳再贈白粲簡謝

止水懷前哲名山起後賢交情方失路文藻獨逢年雲子
能無惜江魚好共傳喜心翻默愧是處受人憐

萬期年自溉園攜邨中所造餅餌見訪詰舊

二萬機雲似山陽永痛聲君能振家學我愧竊詩名城壞
風塵聚人殘習俗更荒郵思倦客粧妝亦深情

逢悟陽子

區外懷人久風前接語奇可能餐石髓應許識雲芝世亂求仙早家貧學道遲暉暉寒日短何處一看棋

余客江干蕭寺數月同社諸君俱以下第時相過從輒有此寄

蕭寺驚傳有破琴諸君也復少知音看山半作隱淪計拜佛潛消怨懨心坐久松風生院落來多沙鳥傍行吟百年幾許閒中趣莫負幽期子細尋

饒蔚宗劉木叔出示詩草有贈走筆戲答

我生際衰晚東髮耽詞賦一去二十年少壯悲虛度兩君出華胄乘時當知遇胡爲亦操觚往往覓佳句屈宋多變聲李杜恒著步卽得身後名已失生前路近觀百年內詞

鳥走如驚歷下與鄉鄰名實果相傳充棟死著書翻覆指
摘故各宜于雲霄勿復櫻竹素飽飯且酬酒愚者有真趣

黎先生草草廬中酬別喻寧孺劉闌生熊正秋

草草爲廬水竹間往來二仲稍相關日移枰上容人懶霜
壓尊前儘夜閒誰信我歸如逆旅獨從君隱卽深山殷勤
更與聯吟榻一別柴門不可攀

贈蕭平原兼寄躬菴初赤時俱賈于江湖

爲儒兼涉計然書亂後饔飧稍自餘食力古人如可見洗
心塵市亦堪居浮沉每笑殷侯隘青白還知阮氏疎里社
深情能有幾江關蕭瑟倍躊躇

士哲龍據元通虞文基臣送別江岸余舟行里許方

去遙寄一絕

江雲豈有去留恩江水全無送別痕直待孤舟雲水盡轉頭方覺是銷魂

江寺晨起對雪時將理棹矣

昨夜天爲雪寒深夢後知僧猶勤早課客欲減晨炊山色高低沒江痕遠近移誰家兒女聚風絮解題詩

南康江岸逢廬山臥龍菴蓮印上人立談久之因寄

九奇匡公

公所居

片牒指煙樹湖波拂空森殘日明孤城斜風下飛鳥客心方靡靡岳色白皎皎渡頭僧影寒接手語可了幽期坐莊再微軀涉紛擾爲問九奇君熱門一何苦

住湖中五百凝眺匡山短歌寄江州文吏部黃拾遺
我聞買山兼買隣幾年思作江州人世間山色不須買却
何欲往多邊廻停舟一識廬山西晚晴殘雪月初見可憐
江上青未了轉憶山中遊不倦舉頭聊復與山期牀席粗
安住卽宜文章好就韓吏部詩句還尋杜拾遺

湖中阻風枕上作

空江風作去聲夜孤客自愁眠月色不可近歸心是處懸乾
坤還老我湖海已頻年估舶謳吟裏何人解扣舷

得風

天意憐憊旅南風霜後生霧開山覺近水關棹能輕鴻雁
翩翩去鷗鷺出沒行連宵空伏枕無夢到江城

彭郎換小艇曉發

艤艋浪前輕朝朝趁曉程羣雞催夜盡纖月剪江行
歸夢何曾到寒衾不自如雁聲霜後旅人語煙中漁
不省出門遠沿江辨水痕一鑪殘夜月照斷五更魂

小孤山

乾坤多怪石突兀禹前留截浪風來怒排空日下幽燒香
通客舫乞米盪僧舟忽憶巖頭住江雲枕上流

仄體一首寄漳湖范釣者

故人隱處深潭烟封樹期我終殘年經時但聞賈客歎何
日得就漁磯眠家貧忍作折腰吏酒熟正得縮項鯉春風
又生湖影綠桃花欲趁來君邊

將至中江作

亂後纔歸去無家不是鄉人情看頃刻天意識微茫陽羨
田多熟金陵水亦香飢寒如暫免榮辱且相忘

山居

結廬山水中頗辭外物牽洪厓去已遠遺跡多幽懸日夕
娛我聽修竹周流泉長疑風雨聲絕壑無晴天清晨覽衣
祀好鳥鳴牀前所欣人迹稀與古相周旋初日盈几白青
山曉逾妍獨得此時趣聊復東齋眠

烏龍潭訪唐宜之

籃輿望歸鳥日暮空城曲衡門終日閉垂柳春風足時聞
梵唄音隱隱潭上屋林間花自香戶下水長綠

送韓聖秋還秣陵

朔風吹江聲江寒愛水落孤舟不覺遠細繞青山郭踟蹰
柔艣傍停歌進離酌木葉下津亭遊子感棲託君行信所
安余懷渺難度

寒月散篷隙皎皎爭朝暉不寢學趺跏如掩山窓屏歇視
間無人遠水長天闊眷懷在高館旣醉未言歸

答姑溪吳叔向

明月溪上來好友與俱至晏坐修竹間已得平生意榮名
不可常章句我所媿聊誦古人詩柴桑有深致見子通脫
懷頗兼窮達器讀書好深思飲酒亦豪寄云何寂寞者春
風能鼓吹

送舒元通還里

北風利歸帆遊子中夜發天寒流景疾倚棹怨江月去家
踰千里終歲音書闕遠客乏黃金高堂增白髮歸心正彷
徨烽火忽馳突別我同學人中懷莽超越

白下同於皇過孟貞水閣夜話

春殘山更青幽居傍水色杖策尋詩人閉戶方晏息欣此
二仲來盡醉寫脣臆疎鐘荒寺在澹月空牀得浩歌不就
枕廊落誰相識

首雲梁

道上車馬喧取境避人跡畧約自橫斜以待獨往客

韋間

莊生去已遠漁父留其名蕭蕭蓑外何處扣舷聲

止宿楊大文新居

短筇逐暮景言訪子雲宅平疇屋宇增垂楊暝南陌遺書
積香氣微月潛魂魄琴歌足平生愛此郊居僻夜寒具燈
火旨酒慰病客觴酌不在多清言永茲夕

和張羣玉觀察

劍外孤行客忘憂酒與詩關山歸夢熟霜雪旅人知張祿
名藏日梁鴻廡隱時眼前衰草色何地采金芝

王獻定

獻定字子一南昌人明太僕卿時熙子性恬淡鄉
貢不試與喻宜仲丁仲陽號三隱君晚年自號軫

石老人客杭卒著有四照堂集

北固

大江東北望半壁下孤城古寺風煙積春濤日月生人稀
同石靜帆遠覺潮平五夜招提夢三山空外行

清明夕仙招同方朔子皇遊狼山

清明天氣佳集侶狼山遊數里見嵯峨山遠心已周須臾
臨絕壁十丈峭且幽巨靈何代斧積鐵無寸柔懸溜滴蒼
崖棲鵠聲啾啾絕頂肆遐矚乾坤共綢繆海水流下天天
盡水不休遙望三吳影一抹青黛浮臨風發長嘯軍劍如

孤舟

螺川早發

月落秋山曉城頭鼓角停長江流剩夢短棹撥殘星露濕
鷗衣白天光雁字青蒼茫回首望海嶽一孤亭

貞婦行

誰焚大林揚灰九州有宋之子夫何尤吁嗟乎仰天雲流
俯地河流莫知其由一解曷日月冬爲夏挈涕淚曷晝夜鬼
急人蜀二解罔下鼓鼙鼙官軍嘵城市語各輒糊魂魄不得
少踟蹰三解汝離四解崇墉墮只蛇豕奔只黃泉日月下照
印只義不可辱五解夸奈何夫子雨淫淫水深深弓刀鳴鳥
鳴鳴瘡萬瓦飛一寸心扶夫臂結黃金投兒去不復生

晚步劍山至朝陽崖復還若公蘭若

策杖倏東往沿江復高阜盤躋下層崖波濤喧肘後上有

雙人峰積石蒼苔厚窮崖一戶開居然見繙叟指點渡頭
山山山落吾手歸塗穿日腳月出斷山口下看捕魚人乘
潮若飛走咫尺寺門深海氣到林藪默坐觀此心鐘磬亦
何有

螺舟招集北園小閣漫興

遠風似潮來湏洞到羣木小閣如乘潮開牕恣遙矚一島
鳴前林衆鳥相與續林外紛笑語間喧轉幽獨俯看池上
波羣陰走大壑彷彿上鬚眉漸見斜陽綠主人羅盤餐兀
坐意已足靜密聽無聲高堂闔修竹

軍山看日出

天雞叫罷海水黑萬里扶桑絕消息長鯨鼓浪吼天門北

斗薇垣辨不得有客通宵坐石林寒風三月吹人心以袖
蒙頭臨絕壁樹外倒看天沈沈須臾東際生微白碎剪波
光亂天碧丹霞氣蘊尚氤氳已有金蛇兼電掣可憐久雨
廢耕種萬戶愁雲方入夢頭白書生情更深眼見陽回心
轉動那知聖人出深宮九霄步步光玲瓏橫空作勢屢興
沒羲和攬轡何從容割然半璧紅輪起砍斷蛟龍四海水
三湧飛光上碧空回看一寺桃花裏

亂石灘看落日

秦皇渡海觀日出何神能驅下海石海口可似秦皇時此
石今猶著鞭跡小石纍纍到海沈大石不動守高岑我愛
此石坐石脊以手撫之聽海音海音颯颯從東起浪湧孤

光勢不止半天紅紫落千林轉盼扶桑已西徙

阻雨望貞州不得到

口外黃天蕩人家太子洲只飛千騎甲不渡一人舟戰地
江門苦遊魂荻岸愁斜陽兼雨看親切此山浮

泊舟揚子橋

隸船風濤外閒心寄汎寥馬嘶黃草岸人急暮江湖塔影
眠寒水谿聲走斷橋夢中敲古缶長憶廣陵篇

返揚州喜晤孫無言

却訶秋還在蕭條滿目非江山千騎暗城郭一人歸見子
南冠淚猶驚楚客衣庭花何爛漫寂寞伴伊威

立秋口占

鵝鴨聲成後，明明百草頭。
紛紜何日夢，斟酌此時愁。
樹外風難定，門前水不休。
道人鬢鬢上，新著幾莖秋。

秋夜同杜于皇訪黃坤五先生于興教寺時先生出
玉盆共賞

太史仍留滯，相逢一寫心。
菊情娛客晚，玉色醉人深。
崔氏莊何處，鄜州月正臨。
招提人境裏，親切畏寒砧。

清明後一日登文游臺雨眺

目斷長湖三十春，千帆暮雨海東塵。
梨花白髮驟前客，麥飯黃冠夢裏人。
猛士歌風長憶沛，泰山封石恥言秦。
荒荒日月過，天地鐘鼓樓邊照幾巡。

送某北上

辛夷花下幾盈觴折柳重看送遠航禮樂暫回風雅綵管
絃偏向別離忙春風紫燕時何促夏日黃河水正長此去
擾桑天萬里一聲庭樹是雷塘

重陽

十載重陽兩白門同居舊話黯銷魂臥龍岡上秋千里戲
馬臺前酒一樽作宦幾人尋草逕論詩深處有苔痕橋西
不減南郊興日暮蕭蕭楊柳村

涇上有感兼懷梁公狄

澹烟寒水遶吾廬採菊何心賦揚車牛背眼光滄海外營
啼詩興自田初忘情草木慵觀歷錯認羲皇慎續書莫道
花源春色好弓刀也自備樵漁

中元前一夕泊石門聞岸上作浮屠事泣然有感
石門陌巷柳青青舊日鐃聲此夜聽枕上有魂招不得
風腸斷語兒亭

大風往白龍洞看梅

徑仄全無樹人扶危草行亂山爭日下古洞挾風生只有
空香入翻嫌春鳥鳴廿年豺虎路步步覺心驚

雪夜坐袁繹菴草堂彈流泉曲

雪片西風下空堂有素琴乍驚寒響入已覺衆山深喪亂
重攜手虛徐一見心流泉何處聽活活在疎林

招隱寺

松杉如舊識入谷尚依然虎拾烟霞跡人耕梁宋旧石門

空翠落人語夕陽懸十七年前事疎鐘聞夜禪

鄭州開元寺野望

興亡古遠氣難老古今潮城對唐朝寺人經趙氏橋虬鐘
懸老樹鶯瓦沒寒蕭日落碑沈夜春星伴寂寥

九日集平山寺時公狄病未至

抱杖高臺俯大荒連天江樹隱微茫雙懸日月存空寺十
里煙花墜野棠對酒戰場孤雁呌佩萸秋墅古泉香傷心
不待韋郎至黃菊歌殘病已霜

三月晦日集子惕園卽贈并以寫懷

太邱何道廣遙情託深素卽物會所欣雜焉呈衆嫭人外
選幽城于斯理恬步我愛靜者心閒閒共芳樹晚晚日將

耽歎門遵竹路清閑落蕭機澹與流烟鶩戶下水香新芳
草亦相務隨意酌清言酬折自成趣人挾萬古情所悲無
一遇日月不易處精神嘗生懼從此掃落花沈冥理已具
楊柳何青青扈鳥宿中露扈鳥一聲啼春風已非故得性
遂古歡悠然竹光暮

步石門看沿江一帶峭壁

鴻濛氣不收大海落孤嶼溟漲壓天桑峭壁向東補香亭
下石門等幽仗同侶沙軟亂石鋪左右艱布武嵯峨十丈
雲倒崩垂一縷何時浪薄天洗濯無寸土老魅雜宵燐鷙
鷂與之處巖黑闕陰泉白日飛天雨僕夫掖我行蹣跚不得
語歎忽凌蒼崖微徑嵌空取磚迴石窟腥匱聞漁火寒

悵彼結茅人痛遭綠林侮
花光蕩海春煙岫誰爲主
兀見丹臺波濤互吞吐
晴割女媧石天然落方所
酒人見之顛魚龍見之舞
不見日月生諸峰槩可數
遠影生微白將心息半晷
乃問燕公洞危峻亦欹窟
胡變島夷名慨然念今古
倭夷至此遂名倭子洞
自笑老人癡不知筋骨苦
審潮正方來視日亦已午
忽到斷崖狂瀾一峰阻

步椒嘴

朝行樸榆灣日暮坐椒嘴寸步萬里濤坤維從此止氣候
異昏旦淺漱卽江底乃知山海情詎能測終始北風捲潮
來漸見海雲起舉頭矚四山層巒疊千指纔回衆山眸茲
山失其趾渺渺一帆懸從天下江水坦步至前林風吹落

松子

看月

日見海天低夜見海風苦海水浴天時星辰皆作雨惟月下海中百道金光聚波響月可聽波來月可取試問山中人月來幾寒暑

禮惠溫禪師塔

塔在狼山

人代閱滄溟入山自知老來此整心魂隨步登清吳靈光伏幽崖萬物皆枯槁昔聞淨居尼門逕何人掃空山有古雲不黏斜陽道仰祝碧重重俯見白浩浩端然禮師塔春

風吹蔓草

閏三月十九日閑衣招集螺舟北園

微雨當初夏園林忽似秋感此今何日敷天有閨愁氣候
變寒暄草木不自由朝影撲東牆暮逐水西流客心能無
悲百鳥正啁啾飛鳥豈不樂恥彼稻粱謀不見池上禽牛
棲各有儔

我來楊柳黃今日見飛絮飛絮纔沾衣轉盼流水去芭蕉
抽新條剝落棄其故新條雖可喜故根委何處念茲白髮
生能不謀歡聚王子窮且豪脫衣事酒醕狎坐四方人飄
零無一遇我憂與晝長胸行萬里路日光觸野馬乘空飄
且住日落何所依悲風在孤樹

姑山草堂歌

我鄉麻姑之山四百里上有百道神功之飛泉奔流盱江

岷江勢乃止十年仗劍不得遊波濤斫斷蛟龍愁今秋徐
子顧我邢水傍曰余家在姑山之草堂噫吁哉爾乃得有
姑山之草堂使我聽之神彷徨姑山曷有白雲千畝槎牙
虎石蹲若鬪萬壑蒼鱗風雨吼日月標空石上生仙人鐘
鼓靜無聲滄海幾枯柯斧爛一局碁枰且復旦徐子居此
幾何年況有壠山堙谷皆名田一朝江南飛戰瓦陵陽山
繫將軍馬草堂從此絕古春荒榛豈有隴耕人夜夜老鷗
山鬼叫愁殺李白同謝朓謝朓青山李白樓到今只聞野
水流似此何能不感傷人生各各懷故鄉懷故鄉君且歌
百年徒爾嘆奈何有時頭白蔣陵樹有時聲咽元湖潮乾
坤已老君且少烟塵可友芳蘭可樵君曷不圖混沌倒天

飄于以揮八極而遊逍遙如我有山歸未得日走大江望
山色古云望遠可當歸不如君言此山猶依稀噫嘻果如
君言此山閒作主我將負君春貨君廡荆君半嶺雲當我
家山譜不然送君將歸我心苦

買花歌

爲學士李開翁賦

學士磊砢歷落之疇人一船買盡江南春江南春色年年
早二月看花春已老半塘十里種花田賣客賣花如賣稻
宋元寫意態更奇五嶺梅橫一尺蕊價值青錢十數萬使
人曾見冷心脾并州兒笑欲死騎馬還看廣陵市廣陵市
上塞氈裘馬蹄能使春風愁碣齒廣袤三十六黃金巨艦
作販牛嗚乎人生富貴何足數天下學士奔波苦千樹流

鶯喚不醒夢牽黃犬猶栩栩亦何有不見歐臺之叟七十餘手鋤荆棘種楊柳柳條不待春半柔引人清興到篷篋入門便聽歌聲沸閉戶還貪花樹幽今春陡然雪三尺閩海徵兵動阡陌官吏捉船急豆芻有船不裝買花客我未見兵愁已生但聞滿城弓箭盡南征起看一人花裏行

涿鹿道中

風塵傷老大髀骨瘦征衣日落高原迥天青寥火微樓桑乃鼓怯督亢黍苗稀兕虎休長誑相呼白雁飛

阜城

古沙郎叔夜
會彈琴于此

莫問祖龍轡嵇琴亦不聞智愚千載事今古一谿雲寒鵠

啼荒井梟孤嘯野墳往來多涕淚幾誦蕪城文

促織

天地冰霜日微生及此辰競心依野草氣候感勞人望宇全非舊爲名變屢新哀音長伴汝星晚到雞晨

酒譜分得蟹螯同限四韻

萬樹耐霜日懸愁向汝刪酒城摧片甲水國動雙鬟風雨輸芒疾星河嚙石頑老饕持作賦公子幾雲灣

誕日口號

予家白狐嶺下龍塘則先慈墳墓在焉亂後屢夢先君囑予買田墓側

母難悲今日吾衰憇昔年眼昏雙淚後髮白五更前狐嶺橫兵甲龍塘買墓田夢回先訓在嗚咽蓼莪篇

兄弟團圓日于今六載違儻逢容鬢改況別信音稀白日

看雲亂青春羨鳥歸閉門翻自慰寂寂喜同飢

登燕子磯

來問草堂寺初鐘已度橋人烟屯石港漁火上江潮野戍
重關靜王畿設險遙憑高天萬里僧影共蕭蕭

壬辰除夕守歲隨所憶口占

三弟竺生

屢夢難爲覺真成此夕歡七年纔頃刻千里共艱難短蠟
村醪薄單衣幽井寒有家傍戰地翻作異鄉看

四弟子展

忽別韓臺下三年淚不乾朋來無一字汝病有千端歲閏
干戈戲心傷俎豆歡嗟余更飄泊長夜路漫漫

紫峰

萬井喧殘夜淒然縹綫人一年皆有累此刻反無貧蘿屋
新泥燕江天舊馬塵東皇吾不問坐待曉爲春

光岳樓社集訶朱寧文

大雅荆榛日論交得素心千秋名轉僞一日道原深老樹
驚風雨高樓自古今酒酣休感慨刻燭見升沈

同于皇因圃抵足聞歎

一嘆白人頭肝腸事事休榮愁須有地于世總無謀夜靜
星辰苦霜嚴鼓角道老夫裝被薄寒重爲君留
多難逢今日全生賴一絲子卿非好色奉倩豈終癡情逼
英雄死才傾妻子危相酬誰較苦沙刮不能知

同于皇觀劇後作

歌哭何多故悲歡爲一人登場紛將相滅燭兒星辰明月
空街設鄰雞孤枕頻與君幽夢醒何處叫蒼旻

舟行三月

湖日

百里風帆勢遙天逐望非人家樹屢沒春草岸俱飛斥堠
雖頻見弓刀此慙稀前村今夜泊燈火向人微

贈某上人

僧來方臥病老去復逢春煮藥妨茶竈挑燈問海濱琉璃
能悟性翡翠不謀身剗却詩名好還娛白髮人

盧龍飛將地下卽李陵臺落日三關望悲風萬里來蛤螺
河太苦荔子熟應回看盡長城路虛空偏草萊

呂仲音招集蔭芳園

偕若干麗京時石門兵營

白頭偏愛客
藉草夕陽深
郊外仍吳越
樽前說灌蕚
水涵城闕影
樹逼戰場陰
幽巷還通寺
時來聽鳥音

坤五先生贈西佩詩索余和韻

三洲舊夢鼓鐘瘖
片月孤飛海外禽
江上鱣魚纔一字
枕邊珠樹已千林
乾坤身老何年歷
清濁波澄此日心
淚盡同貧方作客
幾株殘木且秋尋

次韻別寤明

廿年擊劍老相如
風雨來尋揚子居
白眼看人三斗淚
黃衫授我幾行書
蓮峰雁冷江濤濶
蠻苑霜殘岸柳疎
別後酒醒何處夢
高天渺渺獨愁予

贈王雪樵先生

黃流厭渡莫聽冰古路隄河細似繩愁過客邊新蜡臘淚
多家傍舊園陵夔州以後論工部凝碧歸來識右丞誰說
渡江東晉事太原風概自稜稜

至日偕鷗林香山子震登淮城眺飲已復看月限五
韻

高城落日俯層霄欲抱孤輪送遠潮大氣黃鐘吹海動荒
心白練接天遙牛羊幾上將軍墓唐將程曉金墓在城東紫霄宮前鴻雁
高呼太古樵醉後不知何處笛滿城空水浸寒簫

宿白雲菴

乘燈寂照夢難成但覺蓬窗有情關外客船喧野岸枕

邊官馬踏殘更雨淮烽火人初靜千里星霜雁獨征爲弔
漢家辛苦月夜深猶傍釣臺明

客淮雪夜同四弟子展宿天興觀

時子展將歸江右

廿年布被擁荒城古寺驚心倏二更特地冷風窺鼠竄橫
天大雪下鐘聲弟兄語少衣多淚老病愁深夜不明爾舌
戰場誰作伴康郎山下又移兵

癸未予從蕭伯玉舟中識李子緇仲石頭城下將十
年矣辛卯冬嘗見潤城恍惚若夢中訊其家無一存
者越日子渡江會緇仲遊大梁道次邗上偕小有訪
予因酌酒而贈以詩

十載同舟古石城南徐風雨舊江聲甲申亂後誰生死丁

卯橋邊識姓名頭白幾人遺老在眼橫衰草大梁行故人
況有春浮夢對酒如何說此情

遊上方寺得門字

十里江帆到寺門春風何處不傷魂殘碑古字留人代廢
井苔苔照短垣墓上鳥耕芳草路酒邊牛散夕陽村蕭條
翻愛憑荒墅城郭瘞痍未可論

九日雨花臺步許觀察菊翁韻

高人勝事每相關老客悲吟亦強刪短髮還傾千日酒夕
陽猶照六朝山黃花爛漫長千里秋水悠閒碧落闊幾處
管絃催夜月籬邊獨伴一僧還

西寺步月有懷

石臺樹影幾層層獨望南樓已倦登何處高城來遠笛三
更殘月照孤僧靜嘗願影朋疑在老覺焚書道可憑遊遍
江湖諸寺廢佛前長見少年燈

聽柳敬亭說史

英雄頭肯向人低長把山河當滑稽一曲景陽岡上事門
前流水夕陽西

市上購得書几故家物也得絕句二首

南郭先生樂有餘嗒然隱几欲何如看來事事從前錯白
髮于今始讀書

曾住朱門又草門到頭一著總銷魂老夫無淚談與廢牘
取尊前舊拭痕

送僧惟識歸白狐嶺

從別山中樹幾圍春來春去野棠飛多情寄語袈裟石莫
放雲歸待我歸

青來爲公狄畫鶴令圖口占絕句

一鳥哀鳴訴九州斷雲斜日動荒邱知君能寫飛鳴意難
寫無聲地下愁

李元鼎

元鼎字梅公吉水人明天啟進士官光祿少卿順
治初授太僕卿郊廟典禮多所裁定歷遷至兵部
侍郎著有石園集灌硯齋文集

仲夏章門苦雨余以足癱僵臥偶和皮陸郊居偶和

詩

高樓宜聽雨大浸已稽天夢斷依蕉鹿寒餘抱葉蟬舞奇
堪問字有客或談元何日攜琴去匡峰訪谷泉

檢點平生事年來百不能應憐湖海氣漸免鶴猿憎花落
千山曉書閒十道徵相期尋野老高臥就松棚

錢塘曉發

又作西湖別帆開水國遙魚龍騎夜雨鶴鶴吼晴潮汀自
成三浙人還記六橋雲山纔極目一棹進岩堯

古寺

古寺倚巒屹秋空浥露寒徑深來客少僧老得禪安乞米
朝烟斷隴經夜月殘山林應有癖欲去且盤桓

寒食

荒城草色動寒烟。片片花飛綴紫錢。
赤羽連年驚腐策。綠楊何處影鞦韆。
龍蛇氣冷深山火。鶗鴂聲殘細雨。
天爲愛客腮紅杏美閒。携春酒小樓前。

人日

屋角晴聲鳥乍鳴。又逢人日客懷清。
登高夢欲尋廬嶽。人以人日剪勝風。
傳自楚荆喜趁盤。辛還對酒閒挑菜。
甲且炊羹良朋漸有探春約。疎影斜烟已亂橫。

送王鐵山少司空南歸

夏木初森鳥亂啼。櫂歌聲度野雲低。
一樽夜對滄江晚。二水時分草樹迷。
歸去高風推甓社。由來往事話隋堤。
照人

祇有三江月爲寄愁心過竹西

何事東歸計未成纔聞繫楫旅魂驚風生戍鼓子戈滿棹
入淮河枕簟清棋局每能敲夜月酒兵時與破愁城離懷
別有關心處極目烟波去住情

留君無奈妬君還沙暗河橋水一灣身世漫憐雙鬢短江
湖寧得幾人閒登樓有賦宜招隱卜築無錢寄買山爲愛
醉鄉深處好秋風應待掃柴關

苗令公招遊從姑山同徐仲光

孤峰峙東南一岡兩水共壁立綴層霄嶠崿勢懸空玉寶
鐵爲關輪囷還圓縱毛髮無遁礮紺碧爭磨碧仰謝元壤
匯倒流滄波凍徑束天亦小窺來特一縫羣峰萬馬奔到

茲嘆不聞我來值初秋暑行尙倥偬大令一喝先二客雙
鸞控異木帶淙聲清瀨恣漱弄坐對古賢祠高風餘梁棟
拾級步齒齒林響崖光動江帆落深罅橋危心目恫兩過
再躋攀箕踞聞鳥哢開元天寶語盡破塵凡夢偶爾誣兩
姑以規不以頌一驚泉爲瀑一踞險爲峒屢宋豈衡官魯
衛堪伯仲瀨氣競磅礴誰正抑誰從欲援易名典爲補名
山封環珮鏗相接平奇互爲用時近七月七鶴馭行當轂
矯首問仙子談言或微中余家有小園雲根無錯綜巨鼇
倘飛來取作怪石供

崇元觀贈陳寄蓮羽客

卜易聊云寄崖蓮幾度開荒臺餘晉履斷碣付秦灰洞老

元猿嘯峰高白鶴回石橋能渡否吾意在天台

初夏舟過釣臺

如烟草色淡晴空鼓枻中流事事同江岸餉耕忙野婦石
崖睇網暇漁翁風搖曉閣催波綠樹映殘陽帶雨紅獨有
釣臺青不改屹然砥峙大江東

飯般若禪林

禪房曾借一枝安此日重來興未闌古寺依然閨薜荔空
堦還見長琅玕兼旬尙想春遊樂一雨能生夏日寒老衲
知余仍健飯懲慙細語勸加餐

石蓮洞感賦

層峯挿徑晚雲連一榻何妨枕石眠老洞翳嵐橫野樹疎

橋透月影流泉孤吟爲喜消殘夜清夢還疑續往年曉起
不堪懷古遠滿林草色亂荒烟

龍華寺雨後聞歌

颯颯秋風映遠汀殘編謾撫照流螢燈明古殿僧千偈葉
落空山夢一庭竹影不禁隨月去鐘聲且喜與雲停兀然
坐惜良宵寂何處清歌入短亭

贈秋杉上人爲修復龍濟古刹

古刹松杉護百靈岩峯遠上接天青懷賢爲憶來蘇閣掃
石應存瘞佛銘正好開山憑鳥供還期說法有猿聽一肩
交與頭陀去莫負南唐舊祖庭

醉月亭春分同曾堯臣諸子賞海棠

容易春歸半真堪醉此園况能逢好友更喜雜方言花意
晴偏媚林光晚益溫深談宜向夕月色上苔痕

和笑峯

秋風落葉下晴空坐對東湖似釣翁鴻爪微留聲自遠蛾
眉久謝畫徒工誰云緇素情偏異我覺英雄見畧同爲憶
翠屏山下路相從杖履意何窮

李太虛宗伯園亭卽事

比年歸臥共滄江每過談心倒玉缸構得草亭剛有半撥
來檀板定無雙落花滿地愁紅雨深柳當門映碧幢一自
焚魚傳學士幾回清宴羨閒牕

留春無計尋芳甸勝集同疑坐藥宮落鴈千峯梨院雨垂

楊三月酒旗風幾從珮珞驚搖翠不向臙脂怨洗紅今古
鍾情推玉茗夢廻愁絕歎飛蓬

香爐峯

攜得仙人白玉筇夜深無語對青松曉來霧起千山暝獨
出香爐第一峯

仁和道中

知有長年喜風帆逐好晴樵歌連梵唱林響雜書聲破廟
仍鐘鼓空營幾甲兵土膏知久潤漸看起春耕

李明府

明府字太虛南昌人明天啟進士官中允順治初
擢用禮部侍郎以事去官歸結亭蓼水榜曰滄浪

一時極聲樂之盛年九十卒著有四部集

蕭江再泛

濛濛雨氣遊人醉江上春風生百媚瞳瞳日影照巖谷江
間波浪如銀屋遊人探奇無盡時暝色欲去歸舟遲江干
燈火忽零亂老子斯遊成汗漫

陳之龍

之龍字去亢宜春人明天啟舉人官西安同知治
兵關中順治初擢授廬鳳巡撫都察院右僉都御
史

女耕田行

采笋山間已成竹無計充饑思播穀空舍無男田不耕惟

見年年青草生盤盤青草結根老思得燒荒問寡嫂嫂云
兵火燒已空小膽怕向烈焰中小姑舉火山爲紅單禽驚
啼誰與同可憐天公鑒女苦殷殷雷電震膏土急疏溝洫
拔深根鴉頭穀沒春田雨

朱徽

徽字子美一字遂初進賢人明崇正進士官給事
中順治元年授原官歷固原兵備副使致仕歸著
有測蠡草畊道集

舟行等都道中

春日旣已暮山溪水亦長綠越殊未極茲焉復理榜川原
萬迴巒觸目紛萬象鳥啼山木晴人語灘石碧雨外峰明

減風前花偃仰岫轉失來蹤涉明得前朗魚跳碧潭中猿
引蒼藤上壁隙鬼神剝石皴仙人掌時或遇平曠茆屋兀
三兩子本倦遊人取次愜心賞逢山擬便登遇水欣長往
只此區中跡已深霞外想何時縱所如悠然息塵鞅

松坪

夜從孤峰下蒼茫斷歸路遙聞人語聲正在松聲處

盤古山

四面崖峩一徑斜攀崖拾級不容車此身何幸躋盤古回
首還應憶女媧固甚金湯堪避世兵餘土鏗有人家孱陽
難受伊蒲供旋汲清泉試品茶

李少宗伯滄浪亭觀演秣陵春劇

老來歌管聽全稀
今夜行雲繞不飛
手剔銀缸猶似霧
煩君先撤夏侯衣

周亮工

亮工字元亮號櫟園一號減齋金溪人寄籍祥符
明崇正進士官御史順治初授兩淮鹽道累擢至
戶部侍郎有賴古堂集

寒食後一日新鄉道上簡許傅巖

南轍西向濁河邊
歎息危時徑屢遷
半綻桃花全待雨
平飛柳絮欲爲煙
敝車羸馬吹新火
古道荒林拜杜鵑
烽燧十年歸未得
卻愁明發渡麻然

江行雜感

逐客江干夜寂寥無端鐵笛起中宵深秋梁苑新沙磧明
月清溪舊板橋萬里夢回千嶂雨一帆風動五更潮草堂
空有農書在桑柘如今盡已凋

長汀舟中有感家嚴慈在白下妻孥在榕城

窮巖絕壑盡烽煙烏道遙看庾嶺連幾處夢魂明月路一
林楓桕夕陽船卽教白下書能寄那識榕城客更遷此地
西通章貢水歸心日夜大江邊

花朝登煙雲過眼樓簡胡彥遠卓初荔

泥塗亦復惜佳辰百念甘同草木涇望遠不中花在眼登
樓無故淚沾巾乍晴水面全留縠卓午山容似飲醇北雁
南魚空有約柴門寂寂可憐春

南浦橋亭望夢筆山

孤舟更泊前來岸明發應從嶺上行偶遇長橋增別思且
留半日聽泉聲西山夢冷花藏寺南浦人來雨壓城望裏
勞勞十載路不知芳草爲誰生

哭樵川楊凌颺秀才

唾地新詞破錦囊高樓君自拜滄浪文人命薄將軍死誰
賦城南舊戰場

從山後入無想寺與僧惺悟

陰森枯柏迷無路倒聽鐘鳴有佛場欲躋高巖看石臼休
捫古碣話蕭梁敝廬舊滴千山雨破衲新縫九月霜莫指
寒花留客宿暮雲哀壑易心傷

東武懷古

更遣雲門客渡灘決淇東下盡荒陂秋風野水韓王霸落
日高臺李相碑石址空鞭山鬼骨染田亂墾海龍皮當餐
頗憶如瓜棗幻渺仙人不可期

波濤騰處亦飛塵蜃吐奇懷麗矚新霸氣縱橫秋雨散仙
風隱約野烟淪峯窮碧落爭趨海客到天門欲問津吟首
舊傳三萬戶不知今剩幾秦人

嵯峨巖壑苦躋攀大海南遵第幾灣客况駛頭東莞郡歸
心雁背穆陵關琅邪赤映方升日泰岱青分未了山老鬢
羞慚霜雪滿長淮路近不知還

喜蔣用弢至白闌南

江西詩稿 卷六十五 五
海水羣飛百丈高同君城上擁弓刀戰瘢莫共燈前看恐惹霜華上鬢毛

送胡元潤返白門

小閣傳知載荒園學種瓜貧能堅旅骨交足世寒家入夢三眠柳移情六出花何時芳草岸相對數歸鴉

閭茶曲

龍焙泉清氣若蘭士人新樣小龍團盡誇北苑聲名好不識源流在建安

御茶園裏築高臺驚鶩鳴金禮數該那識好風生兩腋都從著力喊山來

崇安仙令遞常供鴨母船開不印濃急急符催難挂壁無

聊研蠶大王峰

灑麻浥竹斬栟櫚獨有官茶例未除消渴仙人應愛護漢家舊日祀乾魚

雪苑不寐

萬感來清夜蕭然秋已成殘燈搖遠夢細雨數寒更江國書難寄中原寇未平多情南去鴈頻喚度孤城

圓田示張大占

酌酒獨唏噓十年愁未除殘書淹市讀茅屋趁人居久病親關慮長貧友媿疎城東臺突兀吾意且騎驢

望方山敝廬在其下

我屋方山下學耕愧未能提壺閒聽鳥洗鉢偶隨僧歲儉

添僵嬾途窮取世憎到門無一客遠水與心澄

病甚扶掖登舟枕上成詩

夜雨洪塘岸危檣老病身江風吹藥竈榜子促醫人亂覺
妻孥累衰知性命眞誰憐賤躡客退路亦逢嗔

不失漁人約年年江上游黃花依病客白露冷孤舟歸思
深秋滿寒潮半夜流健兒明月裏閒唱古梁州

送王勝時返雲間

初亦隨緣住經時不忍還兵戈看漸老生死此相閑雨黑
丹霞驛潮青紫帽山百年難別爾岐路淚空滑

送臨川支長卿

來去渾難定生平志盡消亂中無故里老至重貧交濁酒

頻須借殘書更摸鈔雲林白馬下余亦各有鳩巢

贊城上元飲同年黃無技齋中同王五采論詩

八年能再過危路怯春寒燈火荒城節塵沙客子餐好由
看雪後舊雨夢江干頗藉王生重論詩字字安

送陳陘山下第返閩

客久成安土閩中若故鄉同君騎瘠馬獨夢舊洪塘短燭
三山雨殘書萬荔香修修閒綠裏爲我拂蕉堂

立春後一日游漢叟過我次筵上韻

愛此林居寂從來鷗鷺盟瓶梅無落意小竹有高聲芳樹
間爲綠闌禽時一鳴酒錢不易得空負酒人名

江西詩徵卷六十五